

序

張茂先見娜嬛福地有萬國志
夫稱萬國其不遺遐陬僻壤彈
丸下邑可知然而版圖之式廓
有時疆域之區分有朔凡遐陬
僻壤彈丸下邑遠欲禮俗盡一

永定縣志

卷之一序

人文蔚起勒有成書備

採擇之用亦非一日之積也予
茲永定邑二載山川風土禮俗
人文皆所懇悉方歎

盛世風流令行雖通都大邑無以加

茲獨惜其邑乘未有成書不能

信今而傳後耳邈永定以衛改

縣始自乾隆初年先有衛志二

冊久無全帙厥後上憲檄備

湖南通志澧州志林邑令金桐

軒博為搜討詢獻之在者約略

衛志而上焉然又止有稿本未

永定縣志

卷之一序

二

經刊發邑人士知其名未覩其

書是有志仍與無志等吾邑志

不發終無成書哉予維邑之有

志志山川志風俗宰斯地者案

置一編於地方情形可以瞭如

指掌志節孝科名志文章人物

生斯地者家置一編歎桑梓事蹟可以觀感激勸然則志之所係豈徒以備上憲之採問乎予下車之初即謀付梨棗自維庶俸無多其經費不能不有待於集腋今年夏政簡時和倡備

永定縣志

卷之一序

三

方亭於城東南隅祀

文昌魁宿進紳耆而商之計并縣志刊焉紳耆好義咸唯唯樂從予乃取桐軒所輯稿本付之剞劂其義例仍其舊本不為竄易者不敢掩前人之美以炫已

長也其節孝人物功名有增無減亦以見斯邑後先濟美而風氣蒸蒸日上也又文教之興在掌故而東壁奎光寶圖書之府

國朝嘉慶六年

續文昌祀典凡縣邑各有專祠而永

永定縣志

卷之一序

四

定獨缺文昌斗魁實司科第而永定并之祀事今建方亭崇奉之且使邑乘勒有成書也其亦地靈人傑之明徵乎佇見淵秀所蒸英才輩出共涵濡

盛世之教澤於無窮也豈不懿哉

時

道光三年歲次癸未孟秋月

賜進士出身知永定縣事壬午湖南

鄉試同考試官易水趙亨鈺撰

并書



永定縣志

卷之一序

五

卷輯永定縣志序

事有創理有因而兩者不相侔也乃謂為創而其迹似因永定今日之志是也謂為因而其事乃創亦永定今日之志是也何也縣舊為衛志隸於州州志之而縣故無志志之自今日始是創也非因也志乎衛志乎州者徵文考獻前事之記載備矣志之修則必取資焉是又所謂因也由此觀之前千百年之軌迹綿綴悉本於陳編後數十載之風規旁搜一憑於故老參之於古考之於今創者半因者亦半則謂為創而非創謂為因而非因永定

永定縣志

卷之一

序

六

今日之志也且夫一邑之中其所宜創宜因者可勝計哉欲裕民以衣食之源莫如課農桑欲端民以訓行之本莫如隆學校因地制宜而山澤不遺其利因勢利導而水泉賴以有功賦役則紓小民之貧津梁則除小民之病涉雀鼠必平荏蒨無修教齊政一道同風是以教化行而習俗美也永定蓋澧州邊徼邑也東連慈利西控涇州北通川蜀南據辰黔在昔為用武地形勢之雄莫有過焉

國家聲教因訖大化涵濡民勤稼穡士習詩書向之

docsriver 文川网
入驻商家 古籍书城

在文川网搜索古籍书城 获取更多电子书

愚陵險阻百數十年來剗削消磨盡為康莊沃壤
 山川如故城郭依然而田賦水利學校人物風土
 之類踵事日增欲以周知利病考鏡得失若者為
 創若者為因舍志乘其曷從哉夫然邑志之修誠
 亟亟矣嘉慶丙子夏余承乏茲土甫下車適上
 憲以續修通志檄令各州縣之有志無志者因其
 舊編以益之廣為採訪以創之承命之日余轉幸
 邑志之藉以有成也乃集議開局遴邑人士歲貢
 王君師麟拔貢熊君國夏埽塌松梁書院期與纂
 修彙輯每一篇脫稿即就余釐定而權衡裁汰則
 水定縣志 卷之一 序 七
 余友安鄉羅明經才英之力為多閱兩月書成自
 星野至祥異分為四冊為目三十餘條分門別類
 是則通志所創立而邑因之以訂是編也第以彈
 丸小縣無者缺之故較所頒書目尚少十有數條
 耳今者披而覽之如志沿革則因乎舊名也志城
 池公署則因乎故址也志金石古物方技片長則
 今志之創始也若夫風俗茂美物產殷繁忠孝節
 廉之表著人文詞藻之挖揚其所因於衛志州志
 者不啻之十二三焉以此知
 朝廷之德澤日深天地之精華日出而為斯邑所創

見者吾故曰水定今日之志創而因因而創也惟
 愧見聞不陋勉為草創庶後之踵成者有所沿討
 以相因於無窮云爾如謂創始者難為功因人者
 易為力也則吾豈敢
 書
 嘉慶二十一年歲次丙子秋八月中浣署直隸禮
 州水定縣事金陵金應榮撰
 水定縣志 卷之一 序 八

縣志源流序

永定於明時為衛歷代以來或置為郡或改為州或隸為縣沿革不一其事蹟散見於安福慈利桃源桑植各志而永初未有專志乾隆元年經前

制軍邁題

奏以軍民雜處輸將未便始割慈利接壤之區改衛為縣居今日而纂縣志斷自衛始稽衛志草創於司訓邵鐘美而未竣康熙二十四年浮麓楊顯德任霍邱令歸搜邵遺稿嗣而輯之曾付諸梓迄今罕有藏其刻本者乾隆四年上憲檄取邑乘邑

永定縣志 卷之一 源流序 九

宰武文郁學博卿萬里乃屬邑士莊以寬蒐輯鈔錄上呈莊以永定人紀永定事由後溯前數十年不但聞而知並有見而知者且踵邵楊二公之成而網羅散軼當必得其實而無譌故其後乾隆二

十二年刺史何 修輯澧州志林多採入焉惜莊

所輯僅存二冊尙缺水道藝文各條究之永定縣

志迄無成書今逢續修通志必先採輯縣志庶縣

志藉以有成也時值邑侯金甫下車而南亦可鐸

是邑爰集邑紳士耆老熟籌設局於松梁書院擇

邑中老成相與編修之然雖草創繕本未及刊發

散給何以垂諸永久亦缺憾事迨茲 蔭閣趙公

以名進士知永定縣事謂湖南一省各府州縣皆

有專志而永邑缺如甚怏怏也用倣文翁化蜀之

意欣然以培植作育為懷政事之暇課程諸生又

倡捐 文昌閣於巽方以培風水因是將邑乘舊

志刪訂而付剞劂忘案牘之勞不辭寒暑重經筆

歷自乾隆四年以前照莊舊本其間殘缺者補之

其次者序之有可不必紀者刪之乾隆四年以後

除已附錄州志外分路採訪各抒見聞毋附會毋

掛漏務期公而不私信而有微以成一邑之實錄

永定縣志 卷之一 源流序 十

勸為成書噫嘻自改衛設縣歷永令者多矣所謂待其人而後行不信然與因敘源流以備觀覽後之蒞斯土治斯民者俾知所從來矣

昔

道光三年癸未夏六月永定縣儒學教諭銜管訓

導事壬子科舉人張映南嶽峯氏謹識

永定衛志舊序

志者記事之名也徵文攷獻紹往開來則在乎心之所之矣昔夫子曰志在春秋筆之削之魯史遂得以經名儒者有志立言即齊諧述異荆楚歲時南方艸木諸雜記尙至今傳之況事關國計民生竭其精神著爲論議此志不常昭揭乎歷代以來國有史省會郡邑有志總之事存今昔義備勸懲探風問俗所必資不綦重與永定建自明初雖地介蠻服然專城設學文教漸漬於今三百餘年竟無志以表揚先蹟振興後起非守土之責而都

縣志 卷之一 舊序

十一

人士之恥哉恭逢

天子削平大逆與世更新文治廣敷修一統志以示薄海內外同軌同文之盛

各上憲翊贊

皇猷微書遍下凡在衛所咸飛檄取志前守 陳侯謀

野詢芻欲行修纂 顯德 誼關桑梓責不敢辭無奇

年髦學疎生居屯鄙距衛五百餘里往反維艱又

舊籍從無創始不易捫心私愧遇友周咨有孫子

如夷其家篋得明萬曆初年永序司訓邵鍾美

所修原本情敗字殘不可辨識 顯德 以意逆志因

辭達義正亥豕之譌補蠹魚之蝕其於城垣職官

田賦軍丁學校兵政科貢人材溯源及流鑑有端

緒他如星分地紀風俗災祥山川物產屯堡土田

祀典文藝賢孝忠烈特爲別其繁屬列其變遷察

其混亂判其疆理續舊增新闡幽彰美良存偽黜

網舉目張頗費意匠之經營編就一帙率繕寫以

報上而 陳侯遂以司關山左依限啟行矣 西

秦潘侯人傑纒科材優政達蒞永之始諸務概未

遑舉首諄諄以德志仍委 顯德 令襄厥成迺親赴

衛城廣搜遺蹟確證莊糧稽城守之職官審建置

永定縣志

卷之一 舊序

十二

之規制旋授 顯德 補載隨捐歲俸鳩工劬劘是

潘侯之有造於我衛也豈非不朽之大業哉竊思

永衛之有志也倡始者陳侯而集成者潘侯至若

析疑質誤芟蕪歸雅往復之商訂前後之校讎則

司鐸西溪曾先生之功也 顯德 何能爲

書

康熙二十四年歲在乙丑季秋月重九日原任江

南鳳陽府壽州霍丘縣知縣楊顯德浮龍書撰

永定衛志舊序

志以紀事猶如信史也信前事於往昔亦信後事於來茲至於風土習尚相傳而不替者皆由志以紀之不然往者之不嚴來者無所稽不幾致歎夫文獻之無徵哉故古者小司徒掌邦國之史外史掌四方之史今則邦國惟太史掌之四方則聽其自為廢弛而不得良史以信後世者是未本一定之器觀而畫志之也何也斟酌損益不核其實不可以言志檢拾備述不確其論不可以言志抑境畧疆域之分借取他州縣之所以有誇美亦不可

永定縣志 卷之一 舊序 十三

以言志此志之修也蓋以難矣然而難之者難於邊荒寥廓之處尤難於犬牙攙越之區聞故明洪武楚之西北隅尚苗接交於禮慈數百里之界時恐鞭長莫及因而割餘土建專城設屯戍以捍衛永定之名所由來也歷年二百有七十風不同二南之詠寧不並展禮之傳豈日時不足攷與良由志之者未也今我

國家永清大定九州悉入版圖

聖天子命修大一統志而內外臣工襄贊

學於同文之盛者故傳檄而徵志也予小子值此嘉

會於乙丑年春

命來守是土當首為未舉而念切斯事以為君子居是官先當盡是職詎得謂錢穀刑名之外而考圖問俗不遑有此舉也耶追觀重城鎮禦乎要害五所甚布於州縣其開山川之環遶土地之明壤人物之開出天然一幅圖寧不可書以志之而取信於天下後世乎雖然未易言矣不得老成學富輩搜理窮物何克尺水興波而錯綜致義也哉予再四思釋恍然有悟曰本學師曾先生者三楚英豪才華久著於當代絳帳談經之餘以纂斯志也無難

永定縣志 卷之一 舊序 十四

一日館堂式坐時達鄙衷曾先生笑而言曰前任陳侯曾遵上憲欲修衛志亦嘗詢余余固辭之彼時訪縉紳中有浮麓楊先生者素稱博物君子誠聘而致來出腹笥之蘊發笈尋來未幾而陳侯喬遷時迫未暇考辨詳晰終厥盛事倏而一介行李矣予聞遂步轍禮聘而楊翁亦不吝遐棄欣然任之爰相訂曰天下有天下之志一國有一國之志一郡有一郡之志若衛景經兵燹之餘浩賦

市役農不暇耕士不暇誦煙火闔里荒蕪盈野而士瘠民貧此志之無容修於今日者正志之不得

不修於今日也允若茲或踵先事以立例或廣後
事以伸斷酌古準今務求至當於無譌即如戶口
依然也一清而增減咸宜壤賦猶在也一別而荒
熟得分忠孝廉節未墜也一揚而示勸彼昭山川
艸木如故也一辨而佳美愈彰舉此大略凡中之
相敘而列者不滿事於辭中不溢辭於事外是非
詳略皆可按籍而定若此者子之意也楊紳筆也
曾先生參閱而較定也三見交同乃授黎棗不爾
月而志成厥後農服先疇士食舊德風土習尚或
可一變而自新是知掌邦國者有太史掌四方者

永定縣志

卷之一 舊序

十五

有野史往者有所厥來者有所稽不與詩詠二南
書載周禮者相倚而稱美與昔

康熙二十四年歲在乙丑秋七月既望

賜回進士出身守永定衛事關中潘義宜公甫謹
識

永定縣志前序

邑之有志凡以備考必使一邑之沿革建置星野
賦役疆界以及山川風土官師人物儀文一
開卷而瞭然如指掌如列眉然後採之輅軒上諸
太史始足以核實而無為苟非徵文考獻簡極精
詳何克語此永定古天門郡地也後併、之已編
為十一二三都宋元以來荒略無考矣自有明建
立衛治以指揮千百戶等官領兵防守於是築城
修學而其地乃復興焉久之有司訓郡鍾美思輯
衛志所見聞錄之未竣而廢道我

永定縣志

卷之一 前序

六

大清康熙二十四年始有浮龍楊先輩搜據邵君遺草
以輯衛志自是而後記載缺然矣乾隆元年衛城
改設縣治 邑侯武府

嗣蒞茲勘合疆域創設公署釐撥田糧以及城池廟廟
壇壝舖遞或因或革隨宜建置而水邑之規模乃
於是乎立焉適奉 上檄催取邑志 邑父臺於
百及經營之餘未遑搦管遣使鄰東於 將以觚
翰見授 寬 自揣陋陋且其生也晚往事既罕目擊
又自甲寅選鐸桂東於本邑新設諸務隔越未得
悉聞近雖持服家居又復古耕鄰郡遠難咨謀何

敢承命固辭不克乃勉搆揚君所纂衛志一冊匆
 匆赴館訓課之暇反復披閱於康熙二十四年以
 前事跡略得其概但原志所載與今新縣規制截
 然迥別何也原衛屯田散寄潯石慈桃離城三百
 餘里今已裁歸安福另割慈地以成今縣疆域既
 非舊矣原衛歷以守備徵糧理訟解署亦在屯地
 今已奉行裁汰更設邑宰廳員建署本城官制又
 非舊矣原衛軍人十分之七居屯三分居城遙相
 管束今則屯民咸隸安福割慈民以隸永定人民
 又弗同矣原衛附城寄庄糧一千有奇合屯糧四
 千有奇隸衛徵收今則屯糧歸於安福撥慈糧以
 隸新縣賦役又弗同矣原衛考試合在屯生童同
 案道取今則屯生隸於安福另抽慈庠以歸新縣
 學校又弗同矣諸如此類不可殫述然則原志所
 載皆已往之陳迹與今新縣迥別居今而思輯邑
 乘則必以今日之疆域建置田賦官署學校詳悉
 記載以成一邑之章程備後日之考核而後可夫
 以覽之識寡見疏而又客居鄰郡懸臆無憑其將
 何恃以為應命之地哉猶幸生長斯土山川風俗
 物產童而習之矣疆域建置田賦亦稍耳而聆之

焉爰以已所見聞參諸記所記載慘淡經營先為
 立厥大綱條各以類從之而規模乃粗定焉其餘
 新設諸務考據未確者除走臆遙訪外又復卸館
 而歸退掃閭軒稽驗文簿掛吏老成反復參訂務
 期核實而無謬大商後草創乃告厥成然而雕蟲
 之技略拾散遺虎園之冊徒形鄙里如欲呈諸當
 世表一邑之章程貽諸來茲供後日之考核使
 覽而如指掌如列眉是有待於修飾潤色之君子
 諱序

乾隆四年孟冬之朔辛卯科副榜前任桂東縣教
 諭邑人莊以寬在伍氏敬識

永定縣志目錄

第一卷

序

目

修輯姓氏

凡例

繪音

奏記

第二卷

星野

永定縣志

卷之一 目錄

五

關考

建置沿革

疆域 形勢 併入

山川

戶口

田賦

水利

第三卷

城池

關隘

河渠

古蹟

公署

學校

祀典

第四卷

風俗

兵制

邊防

通遞

武功

寺觀

蠲政

職官

第五卷

選舉

封邑

政績

人物

第六卷



列女

隱逸

流寓

仙釋

方技

陵墓

物產

金石

祥異

永定縣志

卷之一 目錄

三

藝文上

第八卷

藝文下

附錄 附錄 附錄 附錄

按邑志之作願有成例惟在採訪者核實典制彰美幽潛而已若採訪者多所瞻徇不能怪秉筆者過於收取也蓋善善從長藉是以啓偏隅之風化不得任意鋪張亦不得仍安偷陋惟定爲是邑之書與邑之所鍾毓者兩無負焉斯可矣茲志悉遵成例間有取舊本補綴剛易者亦一時識力所及擴前人所未備而非博雅自矜也楊莊在前桐

永定縣志修輯姓氏

刊修

知 永定縣 趙守鈴

鑒定

署 永定縣 知縣 金應榮

參訂

任 永定縣 儒學 張映南

纂修

辛 酉 拔 熊國夏

歲

探訪

歲

歲

歲

歲

生

生

生

生

監

永定縣志

卷之一 姓氏

三

貢 生 趙宏蚤

貢 生 吳肇端

貢 生 羅振林

生 王子容

員 劉啟鰲

員 呂正官

員 樊生楷

員 胡鳳詔

生 劉正先

監

生

郭禹壽

繕寫

童

生

丁起予

繪圖

生

員

尹際昌

永定縣志

卷之一

姓氏

世

凡例

一 衛志僅二冊其所紀載皆沿勝國之遺康熙二十四年以前事實賴以考訂

一 莊紳菴志草未付刻削鮮有成書而鈔錄事蹟較衛志為近乾隆四年前事實多資考訂

一 澤州志林採錄永定事蹟筆擇極精但志林合編六篇上簡且自乾隆十七年以後歷有年所則考文徵獻不得不失公允慎而搜輯之

一 建置沿革城池築警公署修舉衛志從其朔志林紀其成不過略如考向惟星野疆域山川多與慈

永定縣志

卷之一

凡例

一

一 祠安福未順桑植相混自設縣以後四正四隅界畫了然今悉正之

一 衛志載山特詳而於川則僅載澗水今考澗水原屬慈利惟蒲溫屬永居九澧之二與境中之溪澗

分合較然茲特考辨之

一 水利為農民急務舊志未詳茲特條分縷晰以補舊所未逮

一 關隘以固封守津梁以通行旅舊志紀載多散失今為擇其要者分錄之

一 衛志載丁糧未載田賦載屯兵未載戶口自設縣

以後法制漸備茲據志林並公署編省底冊備詳之

一學校所以廣教化育人材舊有學宮儒學而無書院考棚今已舉昔之所有者遷其地而更張之昔之所無者擇其基而更置之故志中特詳焉

一衛志載祀典額設銀兩在需銀內取辦後舊籍無存一切祭銀概屬虛懸又載祠廟寺觀混淆莫辨自設縣以後接次奉部頒發所有祠廟祭祀典禮大備其他寺觀毫不相混特詳考之

風俗隨教化為移易百餘年來漸摩淪浹日新月異故舊志所載不相沿襲

一衛志載兵制武功武秩特詳且以武秩兼掌印攝行文秩之事而文秩寥寥政績缺如至今選舉科目考核多有未確蓋緣設衛控制司峒禦寇為急法制未備自諸司歸誠改衛為縣百度維新茲特略遵省局頒發章程分門別類而詳誌之

一入傑足徵地靈列女實鍾開氣皆足以扶名教而翼綱常隱逸流寓方技仙釋皆人物之支流餘裔茲特分類記之

一文以載道可以徵人材之盛衛志迄無記載州志

開有採錄未足以觀文風而彰事跡茲乃網羅散失哀而集之所謂觀乎人文以化成天下於此可見一斑耳

一物產乃土地之利陰陽合而風雨時昔之所無未必非今之所有瑣屑之物皆所必紀亦以徵培植之盛

一志中所載悉遵章程次序其間有缺而未備者不敢妄為附益蓋慎之也

恭錄

綸音

聖祖仁皇帝頒發御書

聖宮匾額萬世師表

世宗憲皇帝頒發御書

聖宮匾額生民未有

高宗純皇帝頒發御書

聖宮匾額與天地參

仁宗睿皇帝頒發御書

聖宮匾額聖集大成

奉天承運皇帝頒發御書

聖宮匾額聖協時中

聖祖仁皇帝聖諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

降學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非為

息誣告以勸善良

永定縣志 卷之一 綸音

一

誠遜磨以免株連

完錢糧以省催科

聯保甲以彌盜賊

解離忿以重身命

聖祖仁皇帝訓飭士子文

康熙四十一年

國家建立學校原以興行教化作育人材典至泥

也朕臨馭以來隆重師儒加意庠序近復慎簡學

使釐剔弊端務期風教修明賢才蔚起庶幾械撲

作人之意乃比來士習未端儒效罕著雖因內外

臣工奉行未能盡善亦由爾諸生積鋼已久卒難

改易之故也茲特親製訓言再加訓飭爾諸生其

敬聽之從來學者先立品行次及文學學術事功

原委有序爾諸生幼聞庭訓長列宮牆朝夕誦讀

寧無究心必也躬修實踐砥礪廉隅敦孝順以事

親秉忠貞以立志窮經考義勿雜荒誕之談取友

親師悉化驕盈之氣文章歸於醇雅毋事浮華軌

度式於規繩最防蕩佚子矜佻達自昔所譏苟行

止有虧雖讀書何益若夫宅心弗淑行已多愆或

黃語流言脅制官長或隱糧包訟出入公門或唆

撥姦指欺孤凌弱或招呼朋類結社要盟乃如之

永定縣志 卷之一 綸音

二

人名教不容鄉黨弗爾縱倖逃覿撲澆竊章縫返

之於衷能無愧乎况乎鄉會科名乃掄才大典關

係猶鉅士子果有真才實學何患困不逢年願乃

標榜虛名暗通聲氣貨緣詭遇罔顧身家又或改

竄鄉貫希圖進取慕凌騰沸網利營私種種弊情

深可痛恨且夫士子出身之始尤貴以正若茲厥

初拜獻便已作姦犯科則異時敗檢踰閑何所不

至又安望秉公持正為國家宣猷樹績膺後先疏

附之選哉朕用嘉惠爾等故不禁反復惓惓茲

訓旨爾等務各體朕心恪遵明訓一切痛加改省

永定縣志

卷之一 論音

三

爭自濯磨積行勤學以圖上進國家三年登道束

帛弓鞋不特爾身有榮即爾祖父亦增光寵矣逢

時得志寧俟他求哉若乃視為具文玩愒弗儆毀

方躍治暴棄自甘則是爾等冥頑無知終不能率

教也既責栽培復干咎戾王章具在朕亦不能為

爾等寬矣自茲以往內而國學外而直省鄉校凡

學臣師長皆有司鐸之責者並宜傳集諸生多方

董勸以副朕懷否則職業弗修咎亦難逭勿謂朕

言之不豫也爾多士尚敬聽之哉爾多士尚敬聽

之哉

御製孔子贊并序文 康熙三十年頒勅

蓋自三才建而天地不居其功一中傳而聖人代

官其德有行道之聖得位以綏猷有明道之聖立

言以垂憲此正學所以常明人心所以不泯也粵

稽往緒仰邇前徽堯舜禹湯文武遠而在上兼君

師之密行道之聖人揭孔子不居位窮而在下兼

剛進之極明道之聖人也行道者勳業炳於一朝

明道者教思周於百世堯舜文武之後不有孔子

則學術紛淆仁義蕩塞師道之失傳也久矣後之

人而欲探二帝三王之心法以為治國平天下之

永定縣志

卷之一 論音

四

準其美所取衷焉然則孔子之為萬古一人也審

矣朕巡省東國謁祀闕里景企滋深敬摘筆而為

之贊曰

清濁有氣剛柔有質聖參之人極以立行著習

察舍道莫由惟皇建極惟后綏猷作君作師垂統

萬古曰惟堯舜禹湯文武五百餘歲至聖誕生聲

金振玉集厥大成序書圖詩定禮正樂既窮象繫

亦嚴筆削上紹往緒下開來型道不終晦秩然大

經百家紛營殊途異趣日月無踰羹牆可昭孔子

之道惟中與庸此心此理千聖所同孔子之德

義中正秉彝之好根本天性庶幾夙夜旣哉令圖
溯源洙泗景圖唐虞載歷庭除式觀禮器摘毫仰
贊心焉遐企百世而上以聖為歸百世而下以聖
為師非師夫子惟師於道統天御世惟道為寶泰
山巖巖東海泱泱高敷勿夫子之堂孰窺其藩
孰窺其徑道不遠仁克念作聖

顏子贊

聖道早聞天資獨粹約禮博文不遷不貳一善服
膺萬德來萃能化而齊其樂一致禮樂四代治法
兼備用行舍藏王佐之器

永定縣志

卷之一 聖論

五

曾子贊

洙泗之傳魯以得之一貫曰唯聖學在茲明德新
民止善為期格致誠正均平以推至德要道百行
所基纂承統緒修明訓辭

子思子贊

於穆天命道之大原靜養動察庸德庸言以育萬
物以載乾坤九經三重大法是存篤恭慎獨成德
之門養之藏密擴之無垠

孟子贊

哲人既歿揚墨昌熾子輿闢之曰仁曰義性善獨

關知言養氣道稱堯舜學屏功利煌煌七篇並垂
六藝孔學攸傳禹功作配

聖祖仁皇帝諭巡撫趙申喬勅

康熙四十二年

諭邊沅巡撫趙申喬湖南地方界在邊遠之境開
向來官吏積習相仍無藝私征種種不一每歲科
派有較正供額增至數倍者有司徵收錢糧加取
火耗視別省為獨重百姓窮蹙不支至多流離轉
徙非將宿弊逐一剔清無以砥礪官方大甦民困
除從前已往諸事姑免察究外爾到地方嚴飭人
小屬員痛改前非洗心奉職力減加耗盡革私徵
務使流移者復還鄉閭守業者獲安隴畝庶副朕
軫念遠省民生至意如仍有藐法不遵重為民害
者卽據實糾參從重治罪決不寬宥特諭

永定縣志

卷之一 聖論

六

docsriver 文川网
入驻商家 古籍书城

在文川网搜索古籍书城 获取更多电子书

世宗憲皇帝諭州縣官愛民供職 雍正元年

朕惟國家首重吏治爾州牧縣令乃親民之官吏治之始基也其賦獄訟備實司之品秩雖卑職任甚重州縣官賢民則先受其利州縣官不賢民則先受其害庸茲任者當體朝廷惠養元元之意以愛民為先務周察節用緩輯鄉調治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民為邦本本固邦寧此所以固邦本在吏治吏治之本在州縣苟州縣

永定縣志

卷之一 聖諭

七

之品行不端猶基址不立則室不固庸有濟乎

皇考臨御六十一年灼知州縣之弊特行引見咨詢周試至詳至慎其有廉能之員每不次超擢以示鼓勵今海內羣黎皆

皇考所懷抱也朕膺宗社重寄思續

皇考之治功惟爾諸臣俱有父母斯民之責其為朕之

基址以固邦本為誠能竭力奉公實行其職一州

一縣之中興仁興讓教孝教忠物阜民安刑清訟

簡朕將升之朝宁用作股肱如有罔念民瘼恣意

貪婪或朘削肥家或濫行逞虐或借刻以為清或

恃才而多事或諂媚上司以貪位或任縱胥吏以擾民或徇私逞欲以上虧國帑下章其在豈爾貸與更有任州縣時私肥已橐而漫云且俟顯要方立名節者其與初市清名晚而改操之人何以異哉至於錢糧關係尤重絲毫顆粒皆百姓之膏脂增一分則民受一分之累減一分則受一分之賜前有請暫加次耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視為成例民何以堪乎嗣後斷宜禁止或被上司察核或被科道糾參必從重治罪決

永定縣志

卷之一 聖諭

八

不寬貸夫欲清虧空之源莫如節儉正直節儉則用無不足正直則上官不可干以私若股小民之生以飽上官之貪欲冒不測之罪以快一時之奢侈豈砥礪廉隅為民父母之道乎爾州縣等官其恪供乃職毋貽罪戾毋謂地遠官卑朕不及察其賢否也特諭

諭各上司請改歸流督撫提鎮等撫綏安輯 雍正五年

向來雲貴川廣以及楚省各上司僻在邊隅肆為不法搜害地方剽掠行旅且彼此互相仇殺爭奪不休而於所管轄苗蠻任意殘虐草菅民命罪惡

多端不可悉數是以朕命各省督撫等悉心籌畫
可否令其改土歸流共遵王化此朕念邊地窮民
皆吾赤子欲令永除困苦咸樂安全並非以煙瘴
荒陬之區有土地人民之可利因之開拓疆宇益
增版圖而爲此舉也今幸承平日久國家聲教遠
敷而任事大臣又能宣布朕意勦撫兼施所在土
司俱已望風歸向並未重煩兵力而願爲內屬者
數省皆然自此土司所屬之夷民卽我內地之邊
氓土司所轄之頭目卽我內地之黎獻民胞物與
一視同仁所當加意撫綏安輯使人人得所共登

永定縣志

卷之一 聖諭

九

衽席而後可副朕懷也但地方遼闊文武官弁等
需員甚多其閒未必盡屬賢良之輩且恐官弁等
之意以爲土民昔在水火今旣內附以脫從前之
暴虐卽略有需索亦屬無傷此等意見則萬萬不
可者着該督撫提鎮等處嚴切曉諭不妨至再至
三且須時時留心訪察稍覺其人不宜苗疆之任
卽時調換並嚴禁兵丁胥吏之生事滋擾務俾政
事清明地方寧謐安居樂業共享昇平倘有不遵
朕旨絲毫苛索於土民地方者著該上司立卽參
劾從重治罪卽係平日保舉之人亦不可爲之容

隱果能據實糾參朕必有其失察之愆嘉其公忠
之誼皆督撫提鎮等可共體朕心各盡懷保邊民
之道特諭

永定縣志

卷之一 聖諭

十

小純皇帝諭督撫牧令勸課農桑 乾隆二年

昔者虞廷咨牧食哉維時而百揆奮庸之後卽命
乘以播時百穀禮樂兵刑皆在所後良以食爲民
天一夫不耕或受之饑一文不織或受之寒而耕
九餘三雖遇荒年民無菜色今天下土地不爲不
廣民人不爲不衆以今之民耕今之地使皆盡力
焉則儲蓄有備水旱無虞乃民之逐末者多而地
之棄置者亦或有之縱云從事耕耘而黍稷稻下
之宜水耨火耕之異南人尙多不諳北民率置不
講此非牧民者之責抑誰之責與今之督撫於地

永定縣志 卷之一 聖諭 十一

方命盜等案或官方吏治兵制夷情能盡其心者
有之其以身之爲倡課百姓以農桑本務者誰也
得毋與虛廷命官之意相左乎朕欲驅天下之民
使皆盡力南畝而其責則在督撫牧令必身先化
導毋欲速以不達毋繁擾而滋事將使逐末者漸
少奢靡者知戒蓄積者如勸督撫以此定牧令之
長短朕卽以此課督撫之優劣至北五省之民於
耕耘之術更爲疎略是以一穀不登卽資賑濟斯
豈久安長治之道其應如何勸戒百姓或延訪南
人之習農者教道之牧令有能勸民墾種一歲得

穀若何三歲所儲若何視其多寡爲激勸非可貪
異酷極昏極庸毋輕率劾去使久於其任則與民
相親而勸課有成將見俗返醇樸家有益藏然後
禮樂刑政之教可漸以講着該部卽會同九卿詳
悉定議以聞特諭

永定縣志 卷之一 聖諭 十一

奉

天承運

皇帝制口任使需才稱職志在官之美馳驅奏效報
功膺錫類之仁爾事士高乃湖南郴州桂東縣教
諭莊以寬之父雅尚素風以覃恩封為爾修職
庭訓貧夫不裕大家聲以覃恩封為爾修職
湖南郴州桂東縣教諭於戲肇顯揚之盛舉與
其私酬燕翼之深情臣心彌勵

制曰奉職無忽恩著勤勞之積致身有自宜酬鞠育

之恩爾湖南郴州桂東縣教諭莊以寬之母宋氏

永定縣志

卷之一 聖諭

三

淑範宜家令儀昌後早相夫而教子俾移孝以作
忠茲以覃恩封爾為八品孺人於戲象服之端嚴
誕膺鉅典龍章之渙汗用表榮施

勅命

雍正十三年九月初三日

之寶

兵部

勅爾單純一原係毛岡安撫司既無防禦之責亦無轄
束軍人之任懇請辭職准將原缺裁汰但念爾祖
父曾經隨征効力不忍令其廢置特賞給干總職
銜准爾子孫永遠承襲若有年力精壯情願隨營
差操者准其食俸効用才具優長者著該管大臣
保題照武職例陞轉欽此故勅

勅命

乾隆三十四年十二月二十日

之寶

永定縣志

卷之一 聖諭

三

兵部爲循例具題事武選司案呈兵科鈔出本部
彙題前事內開准湖廣總督伯景 咨稱茅岡司
世襲千總職銜覃熙勝病故遺職查有覃熙勝敵
長子覃朝輔例應世職取造宗圖冊結咨部彙題
給劄等因前來查茅岡司世襲千總職銜覃熙勝
病故遺職該督既稱查有覃熙勝嫡長子覃朝輔
例應承襲父職等語應如所請覃朝輔准其承襲
茅岡司世襲千總職銜頒給劄付令其祇領等因
於嘉慶四年五月初二日題本月初四日奉
旨依議欽此相應頒給劄付令其祇領可也須至劄付
永定縣志 卷之一 聖諭 五
者

右劄付給茅岡司世襲千總職銜覃朝輔准此

嘉慶四年七月二十六日給

奉

天承運

皇帝訓曰朕惟倚德崇功國家之大典輸忠盡職臣
子之常經古聖帝明王戡亂以武致治以文朕欽
承往制甄進賢能特設文武勳階以彰激勸受茲
任者必忠以立身仁以撫衆智以察微防茲禦侮
幾無暇時能此則榮及前人福延後嗣而身家永
康矣敬之勿怠庶幾保爾父庶宗相原係湖南永
定營把總因勦捕楚省苗匪打仗陣亡賞給雲騎
尉與爾承襲准再襲一次

永定縣志

卷之一 聖諭

五

嘉慶四年六月初八日

勅

奏疏 照通志彙錄

王國振漢軍鑲紅旗人雍正五年授湖南巡撫抵任疏言督撫大吏去任者固不可沽舉市恩新蒞者尤當加意整飭風聲所播庶可令行禁止若徒示寬大則吏治必弛民情必慢得

旨據奏得治理寬嚴之要惟期實力行之旋

命與總督邁柱會修兩省隄工國棟疏言湘陰巴陵華容

安鄉澧州武陵沅江龍陽益陽九州縣環繞大湖

居民恒於秋冬水涸時築隄堵水而耕但地勢

下每江漲倒灌入湖致隄岸衝決淹民田禾見有

永定縣志

卷之一 奏疏

其

潰口四百餘處飭水利各官刻期完築此外險工

次第興修更嚴禁包折等弊務期加高培厚工程

堅固七年六月疏言岳州府屬遼闊中隔洞庭石

門慈利俱係苗疆九谿永定軍屯雜處文移每至

稽遲請改所屬澧州為直隸州轄石門慈利安鄉

三縣改九谿永定二衛為一縣設知縣教諭訓導

巡檢各一先是都御史申大成奏黔省軍田百姓

賤價頂種易啟紛爭請做民田一體買賣每石納

稅五錢官給照為業並推行各省至是國棟疏言

湖南軍田瘠薄不比黔田膏腴均與民田一例買

賣無賤價頂種之弊其科則較民田更重若照黔

例稅五錢是合屯糧十餘年常賦之數斷非民力

所勝應按各屬屯糧全書分別差等其微價頂種

未立賣券糧仍軍戶者令頂種人納糧五錢給照

為業如時價平買並非頂種糧未過割者照屯糧

每石稅五錢給照過割其已過割者稅二錢至龍

陽武陵長靖諸屯田土瘠賦重應令售主按券價

每兩稅三分俱下部議行

永定縣志

卷之一 奏疏

七

備賑疏 照通志節錄

陳宏謀臨桂人乾隆二十年授湖南巡撫時江淮各屬秋潦成災

詔截湖廣漕二十萬石備賑宏謀請再動湖南溢額倉穀

碾米十萬石運濟平糶得

旨嘉獎允行二十一年二月奏析衡州府屬之衡陽縣為

二分理賦訟部議行定所分縣曰清泉九月疏劾

布政使楊灝侵扣穀價論罪如律宏謀交部議敘

閏九月疏言湖南產米之鄉請將乾州永綏二廳

華容永順保靖桑植慈利永定等縣常平倉穀各

永定縣志

卷之一 備賑疏

六

撥借數百石貯社倉作本出借俟本息漸充仍歸

還常平部議從之十一月調陝西巡撫二十七年

復調湖南巡撫二十八年三月疏言軍流人犯俱

係擾害地方情罪較重之人狡惡性成到配往往

逃回地方官奉文緝捕一票了事不肯認真根究

親鄰遂得容隱致多漏網名曰罪應遠徙之犯實

則輕於本地之徒長奸養惡莫此為甚請飭取親

鄰供結責成地方官嚴拏率混者議處下部議行

五月擢兵部尚書署湖廣總督兼巡撫事六月疏

言洞庭湖積互八百餘里容納川黔粵楚之水濱

湖居民多築圍墾田與水爭地從前雖經查毀尙有未盡恐湖面愈陬漫決為患請多掘水口使私圍盡成廢壤不敢僥倖再築

諭宏謀於此事不為媁媁小慮殊得封疆之體轉吏部尙書三十二年授東閣大學士卒諡文恭

永定縣志

卷之一 備賑疏

七

岳澧分棚疏

薄有德

題為事有俾於學政並陳管見以昭畫一以廣

皇仁以密作育事竊臣一介鄙儒識見庸陋荷蒙

皇上簡命湖廣學政任事以來朝夕冰兢深懼不能稱

職每按臨一府矢公矢慎力拔孤寒清除積弊考

試之暇凡有關於學政事宜靡不留心體訪冀盡

駑駘之力少報高厚之恩今湖南湖北歲科兩考

已竣屆期報滿所過地方有稍宜酌量務廣

皇仁之處據臣一得之愚縷列數條為我

上陳之其一湖北之安陸府鍾祥縣宜復設教員也

永定縣志

卷之一疏

三

其一湖南之岳州府宜分棚考試也臣按岳

屬據澧州安鄉縣慈利縣九澍衛永定衛儒學生

員劉芳躅等具呈以岳郡十屬止有四縣屬湖之

東生等所居一州三縣二衛居湖之西地方距府

最遠限隔洞庭大湖八百餘里每逢考試舟船到

府不無漂溺之患查直隸各省考試如兗州西安

開封等府屬邑繁多地方遼闊相去不過三四百

里皆分棚考試或分至三五處不等此皆

皇上愛惜士子盤費難艱分設棚署以從眾便較以澧

州六屬距府千里則更闊矣洞庭八百則更險矣

情關軀命則又切矣生等公議捐金於澧州另設

考棚伏懇題明嗣後請照各省考試分棚之例分

湖西於澧州棚廠考核永為定例不惟與情允協

亦且軀命獲全等語伏念

皇上如天好生周知民隱海宇內外莫不廣被

皇仁起溝渠而安社席矣而澧州六屬生童猶以洞庭

險遠動關軀命為慮臣請援各省分棚之例合令

六屬生童嗣後於澧州聽考該知府有刑名錢穀

之責東西各分撥一牛如此則

聖恩無遠近之殊而士子免危險之苦矣其一湖南之

永定縣志

卷之一疏

三

苗儒應試各童宜於額外酌入數名以柔遠人也

右臣以翰林官奉

旨視學三楚所有見聞理應據實入告緣係陳文教事

宜字多逾格謄黃難盡如果臣言可採伏乞

皇上俯賜全覽勅部議覆施行

重建永定衛廟學記

按察使 沈慶

孔子之道如日麗中天無所不照宜乎百王尊之而弗替萬世仰之而莫加所謂先孔子而聖者非孔子無以明後孔子而聖者非孔子無以法其功則集羣聖大成其賢則逾於堯舜自生民以來豈有聖如孔子之盛者與仰惟

聖朝崇儒重道建學立師以成化天下自王宮國都以及州縣闕巷皆立學儲才以資任用永定為湖南邊遠之衛環以慈利居民蜂房聯絡山明水秀近以廟學未稱弗克以奉

永定縣志 卷之一 疏

三

詔旨百賢才為缺典守佛都闡吉公世英謀於教授徐

君參曰學制貴乎高明亢爽今茲偏於東南一隅

其非養賢之所時余按部適至衛之官屬合辭請

曰邊方多故廟學未完罪不可追指擢周輔有圃

一區延表開廣願入建學鄉之先達吳公景道猶

子有曰澄者方遣子宜孫顯入學因之進曰先公

平昔雅重儒道遺應翼屋願捨以建廟學官屬士

庶聞而欣然咸願捐俸費鳩工庀材撤而新之不

越月而巍巍宮庭翼翼門廡丹碧黝聖舉以法故

堂齋疏宇次第完葺以至頽池垣墉牲庫庖廚泮

渴之所靡不鼎而新之以聞計者若干楹以直計

者若干緡經始於天順辛巳年七月中旬而落成

於本年之冬師生有舍絃誦有聲餽廩有所人樂

趨事工不告勞可謂文風振作適其時矣微言以

記始末洪惟文運之興關乎世泰聖道之闡實厚

彝倫切士知向學俗尚絃歌雖悍猾夷獠聞風舉

義將革心向化之不暇而何有於嘯聚蜂屯之患

乎尚冀來遊來歌之士入斯廟也翼乎嚴恭致其

誠之如在登斯堂也踰踰濟濟格乎受教而無怠

荒道傳洙泗教闡伊洛俾孔子聖道如日月之昭

永定縣志 卷之一 疏

三

明永定文風若鄒魯之振起於以撮魏科躋顯仕

出而鳴

國家之盛夫若是非惟無負

聖朝建學育才之盛心而經營諸君子亦與有榮矣其

勉之哉是為記

星野志

山川之精上為列星分星之說見於周官顧實說於卜象懸於上紀地者必覈宿以為準鶉尾之次終言楚也且歲差里差古今又有變遷辰爾一邑必徵測其星之所應而星分其度度分其星恐難免難用求劍之譏永定係

國朝新設天文分野諸書皆無明文但就附近鄰縣上下推之當在軫星十度按保章氏辨九州分域各有分星楚為荊州於辰在巳星兼翼軫澧陽割古武陵之半而統之其占必於軫也明矣晉書載武陵入軫十度唐書地理志澧州石門慈利安鄉極於永順靖州之轄縣暨保靖宣慰諸司皆武陵入軫十度之野據此則永定界處永順慈利之中其分界同在軫之十度何疑

附考三則

星經云軫四星居中又有二星為左右轄車之象也天官書云軫為車主風其旁有一小星曰長沙星

考翼六軫取象為車車行欲疾故曰主風且軫為東方也正義云軫主家宰輔臣又主車騎亦主風

明大則車騎用天皇會通曰軫主車騎任載軍之

出入皆占之長沙子守一軍壽命渾天賦云七澤

之國翼軫寓其精左轄右轄邊荒於疑乎枚寧

舊志云荆楚之域候在熒惑其所屬之星北斗七

星之第五星曰玉衡按史記天官書引正義云軫

四星長沙一星轄二星合軫七星皆為鶉尾於辰

在巳為楚分野漢書地理志載翼軫楚之分野武

陵長沙及漢中諸郡皆楚所分唐地理志所載澧

州澧陽安鄉石門慈利武陵而於分野均本詳入

軫度數惟晉天文志載桂陽入軫六度零陵入軫


永定縣志 卷之二 星野志 二

十一度長沙入軫十六度武陵入軫十度永定坐

慈利之十二都西與永順南與武陵接壤桃源舊

亦割武陵今與永定連界以此推之應同在軫星

十度之內



軫宿步天歌

四星似張翼相近中央一箇長沙子左轄右轄附
 兩星軍門兩黃近翼是門西四箇土司空門東七
 烏青邱子青邱之下名器府器府之星三十二已
 上便是太微宮黃道向上看取是

翼宿步天歌

二十二星大難識上五下五橫著看中心六箇恰
 似張翼有六星在何處三三相連張畔附必若不
 能分處所更請向前看野取五箇黑星翼下頭欲

知名字是東臨

圖考志

凡言所不能傳者必藉圖以指示之聚米爲山括地成圖其明證也否則扣槃捫籥以爲口實不得其形似矣邑境廣輪延袤繡壤相錯非披圖展視烏能土宇周知凡井疆城郭與夫峙者流者羅羅皆列着乎圖凡七列於左

地輿圖

水利圖

河道圖

名勝圖

永定縣志

卷之二

圖考志

五


文廟圖

考棚圖

書院圖

八方關圖

地輿圖



docsriver 文川网
入驻商家 古籍书城

在文川网搜索古籍书城 获取更多电子书

